

دائرة مخصوصه

در سعادتده باب عالی جوارنده

محل اداره :

مشرط القیم

اخطار :

مسلكمزه موافق آثار جدیده مع المنوئیه

قبول اورانور

درج ایندیهین آثار اعاده او نواز

دین، فلسفه، علوم، حقوق، ادبیات و سیاسیات و بالخاصه کرب سیاسی و کرب اجتماعی و مردمی احوال و مشوره اسلامیه و نه بحث ایدر و هفته ده بر نشر انور.

آبونه بدلی

صاحب و مؤسسلری :

ابوالعلا زین العابدین - ح . اشرف ادیب

در سعادتده نسخه سی ۵۰ پاره در

سنه لکی التي آیلنی

ممالک عثمانیه ایچون	۸۰	۴۰	غروش
روسیه	۶۰۵	۳۰۵	روبله
سائر ممالک اجنبیه	۱۷	۹	فرانق

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیسه سنوی
۲۰ غروش فضله آلنیر

اوت .. یقین بر آتی بو پارلاق کونلرک شئون ووقایع حیرت افزاسنه مصدر اوله جقدر .

فی الحقیقه علوم طبیعی و فلسفیه نیک مشهود باصره حیرتمز اولان ترقیاتی سایه سنده فکر دینی نیک ائ مهلاک دشمنلری اولان مادیون اسکات اولنقد و مخلوقات و مکنوناتک ماده و قوت کبی ایکی ید عمیای طبیعتدن متشعب دکل . بلکه قدرت بالغه صمدانیه سنه عقول بشرک احاطه سی ممکن اولیان خالق واحدک اثر صنع الوهیتی اولدینی یننه آوروپالیر طرفندن مدافعه ایدلمکده در .

اوت .. علمای روحیون، صانع و مبدع ازلك قوت وحشمت لایموتی فنک بو کونکی ترقیاتیه تصدیق ایدیورلر . قوانین لایتغیر طبیعتک ، بر تصادفک ساحه جلوه کر ظهوره آتدینی بر دستور عظمت نمون اوله میه جغنی، تصادفک بونده اجرای احکام ایدمه جگنی افعال حیاتییه نیک قانون تکمیلک میخانیک بر تعاملی اوله میه جغنی، و بناء علیه موجودیت بشریه نیک حیات ابدی و کالات سرمدییه مظهریتله ممتاز اولدینی دلائل قویه ایله اورتهیه قویورلر . اوله یا .. ماده و قوت معرض تجدیدات اولدینی و بنابرین جسم مادیون انواع تقلبات و تبدلاتله تحول ایلدیکی حالده شخصیتیزک ادامه سی نه ایله تفسیر اولنور ؟ .. و خصوصیه ماده عضویه دماغیه مزک مظهر تجدیدات اولدینی فنساً ثابت ایکن خاطره مزک پابرجای ثبات اولسنی نه ایله ایضاح ایتلی ؟ ... شبهه یوق که بزی اداره ایدن ، جسم مادییزک غیری و تحولات عضویه دن مصون و محفوظ بر قوه خارق العاده ، بر جوهر مصون الاندراس در . اوله ایسه ماده ، واسطه سز حیاتی ساحه کونه آتیه میه جغنی کبی بو جوهر مؤثر دن افتراقی حالنده دخی اجزای فردیه سنه بالتحلل منقسم اوله جغنی و ارسته ریب و کاندیر . اشته او شخصیتیزی ، شخصیت معنویه مزی ادامه ایدن جوهر ، (روح) در .

هزاران یأس ، حزن ، کدر ! .. که بتون بو حقایق ۱۳۰۰ سنه اول فرقان مبین ایله پیشگاه تدقیق و تتبع بشره وضع اولدینی حالده وادی مدافعه حق و حقیقه سیل سیف خامه ایدرک آتیلانلر یننه آوروپالیر اولیور . فنک او حیرت بخش عقول نظریاتی تتبع ایلنلر .. نتایجی بو حقایق ایله توفیقه اوغراشانلر یننه آوروپالیر اولیور .

دین مبین اسلامک معظم دستورلری آره سندن بو حقایقی اورتهیه قویمغه ، آنلری فنک حقیقت کسب ایدن نظریاتیله توفیقه کسه جه و غیرت ایتیمور . یارب نه در بو انحطاط علمی ! .. یوقی ؟ .. بر ید بیضای جانفزا که وجه منیر اسلامی شمععه وعظمتیه انظار یار و اغیار اوکنده کوسترسون ... شرقدن غربه ، شمالدن جنوبه قدر نور مبین اسلام ضیای حیات بخشاسیله عالمی استیلا ایلسون ... اوف ! .. یوقی ؟ .. بر متفکر اسلامی که کتاب عالمک صحیفه اولنک بالای عظمتی طغرای غرای اسلامیته توشیح و توثیق ایلسون ...

بتون بو جزائن آمله قاووشمق .. اوت ؛ قریب و محقق الوقوع اولان بو سلطنتی کونلری کورمک ایچون آراتق او دوره عطالتک اوزرینه بر پوشیده نسیان چکهرک آتییه .. استقباله طوغری توجیه انظار ایلیم . شمیدین درت ال ایله برر مشعله فن و معرفت طوتمغه جهد ایدیم . زیرا :

استقبال اسلاملر کدر ... اسلامیته کدر .

اوت .. آراتق عامیانه فکرلردن .. اساطیر و خرافاتدن .. قویروقلی ییلدیزلرله تشامدن .. کوشه بوجاقلرده فال باقدیرمقدن .. نصرالدین خواجه .. قان قلعه سی حکایه لرندن واز کچه لمده حقیقتی .. دائماً حقیقتی ... آراشدیریم . پیشگاه تدقیق و تتبع مزه وضع اولنان آثار یناتی تتبع ایدیم ... یورویه لم . نقطه حقیقه طوغری پرواز ایچون یورویه لم . دارالفنون عثمانیه منسوب

حسن فهمی

دینسزلک ده بر مرض روحی در .

— مصاحبه مجری فرید بکه —

قرده شم ، ۲۸ - کانون ثانی - ۳۲۵ و ۷۵ نومرولی صراط مستقیمده ؛ مصاحبه کزی او قودم . نه کوزل مدافعه ، نه طاتلی یازیلر ... حقیقتاً بوتون وارلغیزی ، موجودیت ملیه مزی . دینی مزی رخنه دار ایدم جک و بلکه یکی یتشمک اوزره بولنان کنجلمزک ، یکی ، تازه اولدینی قدرده ایشلنماش بولنان فکرلرینی بوزاجق ؛ قراکلق اوچوروملره ، کوره ، کوره ، بیله بیله یووارلاتاجق اولان دو قنور .. خیر دو قنور دکل دینسزلکک قوندو قنوری بولسان دوزی نیک ؛ اسلامیت لفظ جلیلی آلتنده طویلانمش اولان ملیونلرجه بلکه دهها فضله بر جمعی کوجندیره جک ، بعضیلرینی ده پریشان بر اضمحلاله سوق ایدم جک اولان صاف بر مفسدته مشبوع یازیلرینه قارشنی یوروتدیککز مصاحبه یی کندجه ، بنم فکر بجه پک کوزل ، پک طوغری ، همده پک حقلی بولدم .

هله اوراده (ژول سوری) و بوکا تبعیت کوسترنلرک نه نظرله بوکائاتی کوره ییلدکلرندن بحث ایدیشکز عین حقیقه در . هم اوله بر حقیقت که : بوکون فنک ، طبک ایکی کره ایکی درت ایدرجه سنه عالم مدنیه فیلاتیویرمش اولدینی طوغری یلقلردندر .

بشر خلقی ایجابی طبیعی در . کوزلری کورور ، قولقلری ایشیدیر ؛ برونی ، حس شامه سی واسطه سیله قوقولری آکلار ؛ برشیدک لذتی حس ذائقه سیله دویار ؛ باجقلری ایله یورور ؛ اللریله برشی قالدیرر ؛ طوتار ؛ آثار ، ایجابنده یننه بو آلت مدافعه سیله کندیجی حمایه ، وقایه ایدر .

قلبی ، وجودی اروا واسقا ایدن دامارلرک عددینی طولدیرمق ، او هیکل حیاتی نیک جان حقیقیسی اولان قانی هر طرفه متساویاً و متکافئاً سوق ایدم بیلیمک ایچون ، معین وقتلرده ، زمانلرده منتظماً و متفاصلاً آثار .

معدة، هضمی بیایر؛ قره جگر حاصل ایده جکی شکرک، غدیدات افراز و افراغ ایده جکی مایعانک مقدارینی طانیر، فضله سندن توی ایدر. آق جگر لر دقیقه ده قاج شهبق وزفیر اجرا ایده جکنی ونه مقدار مولدالموضه آلوب نه قدر حامض قاربون طرد ایده جکنی کندیسنه وارد اولان بیس قانی نه صورتله تصفیه ایده جکنی بک ازلدن تعلیم ایتشدر.

امعا حرکات دودیه سنک عضویتیه بر منفعتی اولدیغنی تقدیر ایدرک اجزاده قصور ایتماز. هضم اولنان یمکارک نه مقداری مص اولنه جق، نه مقداری قانه قاریشه جق، ونه مقداری خارجه طرد اولنه جق معلومدر.

بالکه روحک؛ حواس خمسهنک، ودها بشرک اظهار عجز ایتدیکی، بله مدیکی نیجه مرا کزک مقری؛ بک نازک بر عضو مهم اولان دماغ؛ وقوعات حیات داخلیه وخارجیه پی حس ایدرک بزی خبردار ایدر.

شمدی بونلردن برینک افراط ویا تفریطه وارسی یاخود بو حال طبیعی دیه کوردیکمز، طانیدیغمز احوالک بشقه لشمسی بالطبع بر حال مرضیدن بشقه برشی اوله ماز. فن حاضرده بویله جه قبول ایدیور.

بوکون هر دوشون، هراوغراشان تسلیم ایدرک؛ کائناتی ژول سوریلر کی افراط درجه ده کوره لر؛ دینی دوزی لر کی اهمیتسز عد ایدنلر بر مرض عقلی ایله مؤف اولدقلرینه شبهه ایسته ماز.

چونکه؛ فن، مادامکه یورومکی حال طبیعی عد ایدوبده فلوچی، هیچ یورویه مه مزلیکی بر مرض دیه تلقی ایدیور؛ احوالده بشریتک تابیتداسندن بری موجودیتنی کوردیکمز، او قودیغمز، ایشتدیکمز دینلایلکک بر حال طبیعی وبونک خارجنده اولان دینسز لککده بر حال مرضی اولدیغنی قبوله تردد ایتمز.

بعضاً بشر مبتلا اولدیغنی امراض عصبیه ویا عقلیه نتیجه سی طبیعتک خارجنده کوریر، ایشیدیر، قونوشیر؛ بعضاً ده تک بر خیال مضاعف اوله رق کوزه چاربار. بو بر غلط حسی اولدیغنی کی دینی ده هیچ اوله رق کورمک حواس طبیعی سنک بر تغییرات مرضیه یه دوچار اولدیغنی افهام ایدر.

احوالده بین البشر طانیه بیلدیکمز، کوره بیلدیکمز وزده، محکمه کبرای عدالت اولان دماغ مزده؛ یرایش، ایز براقش اولان احوال طبعیه دن بله دیکمز حالاتک بر شکل آخره انقلابی اصل بر مرض ایسه بک اسکی حتی هر شیئدن اسکی اولان دینی ده بر نظر نفرته کورنلر امراض عصبیه، عقلیه و روحیه منتسین ومتخصصلری عندنده بر بخنوندن فرقلری یوقدر.

بونلر آنحق عالمده، هر شیئده کندیلرینی کورورلر؛ کندی فکرلرینی بکنیرلر؛ فکر عظمالق بئلك بونلرده تمرکز ایتشدر. بنابرین بونلرک سوزلری هم قانوناً همده شرعاً مقبول اولمادیغنی کی بشریتیه بو مرض شبه السارینک سرایتیه بالتقلید میدان ویرمه مک

ایچون تجرید ایدیلهرک کندی منفعتلرینه تداوی اولق ایچون ایدی اقامتکاهلری اولان دارالشفا یه کوندزمکدن بشقه، فکرجه، چاره سی یوقدر ظن ایدرم.

کریدی:

«مقری کوی»

د. ص. ک.

تبیین حقیقت

صراط مستقیمک کچن هفته کی نسخه سنده طبعیه دن (م. نوری دجانی) اسمنده برافندی طرفندن سرد ایدیلن مطالعات کلیاً خلاف حقیقت اولدیغنی کی قسم عسکریده ده بواسمده هیچ برافندی یوقدر. طبابت بوتون علوم وفنونک اساس ومادریدر. بزطب طلبه لری حسب المسلك فن وفلسفه نک هر بر جهتلرینی او قومش، اونلرله تنویر ذهن ایتش اولدیغمز ایچون، هر درلو حقیقتی ادراک ایده جک بردماغه، متفکر، منور بردماغه مالک بولندیغمز ایچون دین جلیلمزک ادیان سائریه اولان رجحانیتتی و آره لرندکی فرق عظیمی تقدیر ایدنلردنر. بناء علیه حقمزده واقع اولان شواهداتی کندی نامزده شدتله رد ایدرز. عموم طبیعه عسکریه طلبه لری

عالم اسلام

ادهم روحی بکک توقیف وتخلیه سی

هان هر نسخه سنی حقوق اسلامییه پی مدافعه یه حصر ایدن فلبه ده منتشر (بافقان) رفیقمزک محرر مقتدری مجاهد شهیر ادهم روحی بک افندی یه قارش بلغار حکومتی طرفندن اول و آخر روا کورلمکده اولان معاملات اعتسافیه بوضوک کونلرده هر درلو حدود تحملی تجاوز ایتدی. قوجه مجاهدک نهایت توقیفنه قدر کیدلدی.

بلغار حکومت حاضره سنک طور ومشوار غریبی ومعاهدات ایله مؤمن حقوق اسلامییه پی لاشی تلقی ایدرک محو واضاعه سنی داخل دائره اقتداری فرض ایتکده اولسی معلوم ایسه ده عالم مدنیه قارش حقوق محترمه بشریتیه بودرجه لده آچیتدن آچیغه تعرضه جراتی مأمول ومتنظر اولمادیغندن ادهم روحی بک قدراشمزک توقیفی خبری محیط مزده عظیم حیرتله، تأثر لر حصوله کتیریش وبوحیرت وتأثر چوق کیچمه دن محق بر حدته منقلب اوله رق ادرنه واستانبولده اجتماعلر، تلغرافلرله مراجعتلر وقوع بولدیغنی کی حکومت عثمانیه جده تجاوزات واقعه دن طولانی تشبثات تبعه پرورانه ده بولنلمشدر. نهایت بلغار حکومتی یاپیلان یولسزلنی شکل قانونی یه افراغ ایدرک بدایه اتخاذ اولنان توقیف قرارینی اسباب قانونیه دن طولانی استینافا فسخ ایتدیرمک صورتیه بر کریزگاه خلاص بولمشدر.

عالم اسلامک تأثرلی بر قاج کون کچیرمسنه سبیت ویرن شو وقعه مؤسفه نک لدنیاتنه نفوذ ایله مسئله پی تدقیق ایدلم. بلغارستان سراپا